

M323: Oberaltaicher Evangelistar

23a,1 sprach "pin ich ez Maist' ." er antwurt im vnd sprach "dv
 23a,2 hast ez gesprochen ." Do si do azzen . Do nam Iesus daz brot .
 23a,3 vnd segent ez vnd brach ez vnd gab ez sinen ivngern vnd
 23a,4 sprach "nemet vnd ezzet daz ist min lichnam ." vnd nam den
 23a,5 chelch vnd segent den wein . vnd gab in ze trinchen vnd sprach
 23a,6 "trinchet dar vz daz ist min blvt der niwen . e . daz vmb evch vnd
 23a,7 vmb manig svender wirt vergozzen . ze einem antlazz . Ich en
 23a,8 trinche niht mer des weines wan in mines vater rich ." vnd do
 23a,9 er den segen gesprach do gingen si vf den berch oliueti .
 23a,10 Do sprach Iesus zv in . "Ir wert alle heint in dirr naht an mir
 23a,11 geschendet . es ist geschriben . Ich slahe den hirten . vnd di herte
 23a,12 d' schaffe di wirt zestrevt . Dar nach so ich ersten sol . so var ich
 23a,13 vor ev in Galyleim ." Do antwurt im petrus vnd sprach zv im . "vnd
 23a,14 werdent si alle geschent an dir daz wirt ich nimmer . also" do .
 23a,15 sprach zv im Iesus . "werlich sag ich dir . Daz dv an dirre naht
 23a,16 . e . der hane singe verlagengst min drie stvnt ." Do sprach do
 23a,17 petrus "vnd mvzz ich sterben mit dir Ich verlageng din niht ." .
 23a,18 also sprachen di andern alle . Do chom Iesus mit in in daz dorf .
 23a,19 daz hiezz Gethsemani vnd sprach zu sinen ivngern . "Sitzet hie
 23a,20 ich wil da hin gen ." vnd nam mit im petru- . vnd zwen siner .
 23a,21 zeBedei vnd begynde travren . vnd vnfro sin . Do sprach er zv
 23a,22 in . "Min sel ist travrich vntz in den tot . enthabet evch hie . vnd wacht
 mit mir" vn- gi ein wenich fvorwaz . vnde vnd
 23a,23 viel nider vf sin antlvetz vnd betet vnd sprach "vater ob ez
 23a,24 mveglich si so nim diz marter von mir niht . als ich welle .
 23a,25 Svnder alz dv wil" vnd chom zv sinen ivngern vnd vant si slaffent
 23a,26 vnd sprach zv petro . "Moht ir niht ein weil mit mir wachen . wachet
 23a,27 vnd petet daz ir iht chomet in di . bechorvng . der geist ist berait .
 23a,28 Daz fleisch ist aber siech ." Do gie er aber hin . vnd pettet vnd sprah
 23a,29 "Vater min . Mvege di marter niht hin chommen . Ich mvezz si leiden .
 23a,30 So erge din wille" vnd chom aber vnd vant si slaffent .
 23a,31 Ir avgen waren besweret vnd lie si vnd gi aber vn- bet .
 23a,32 ze dem drittem mal div selben wort . Do chom er zv sinen
 23a,33 ivngern vnd sprach zv in . "Nv slaffet vnd rvet . es nahent div
 23a,34 weil . Daz des menschen svn wirt gegeben in di hende der
 23a,35 svender . Nv stet vf vnd ge wir es nahent der der mich .
 23a,36 da verraetet ." Do er dannoch redet do chom ivdas d' zwelfer
 23a,37 einer vnd mit im ein grozz schar mit swerten vnd mit .

- 23a,38 stechen von den fversten dar gesant vnd von den alten levte-
 23a,39 Der aber da in verchavft der gab in daz zeichen . vnd
 23a,40 sprach “swen ich da chvesse der ist es den vahet” vnd sa zehant
 23a,41 gi er zv Iesv . vnd sprach “willechomen maister .” vnd .
 23a,42 chvste in . Do sprach zv im Iesus . “frevnt wi pist dv chomen .”
 23a,43 Do gingen si zv vnd vingen vnd habten in . vnd der einer der

 23b,1 dar chommen waz mit Iesu . Der pot vf zehant vnd zvcht swert .
 23b,2 vnd slvg des fversten chneht daz zesm or ab . Do sprach zv im Iesus . “Stoz
 23b,3 din swert wider in sin stat . alle di mit swerten vehtent di verderbe-
 23b,4 avch mit dem swerte . oder wenest dv daz ich niht erpiten moecht mine-
 23b,5 vater daz er mir nv sante mer dann zwelf schar der engel . wi moecht
 23b,6 div schrift erfvellet werden . wan es alles mvz geschehen .” an der selbe-
 23b,7 weil sprach Iesus zv den scharen . “Ir sit avs gegangen mit swerten vn-
 23b,8 mit stangen . alz ze einem ravber mich ze vahan . allen den tach saz ich
 23b,9 pi ev in dem tempel . vnd leret evch vnd vinget min niht . daz wart .
 23b,10 alles getan . daz di schrift des wissagen wuerde erfvellet .” Do lieffen hin .
 23b,11 di ivnger vnd flvhen von im . Di diener habten do Iesum . vnd fvrten in .
 23b,12 zv Caypham . da di schriber vnd di alten waren zesamme chommen .
 23b,13 Sant peter volget verre nach vntz in des fversten hof . vnd gi do .
 23b,14 innerhalb vnd saz do mit den dienern . daz er gesehe wi ez erging .
 23b,15 Di fversten vnd alle di menig svchten do lvgliches vrchvende wider
 23b,16 Iesvm . daz si im geben dem tot vnd fvnden niht an im . do . vil valsch’
 23b,17 zivge zv gegangen waren ze allerivngist chomen zwen valsch gezivge .
 23b,18 vnd sprachen “dirr sprach ich mag den tempel zestoeren . vnd
 23b,19 in drin tagen wider machen” vnd der fverste stvnt vf vnd sprach .
 23b,20 “antwurtest dv niht ze disen . di alsvst vrchvendent wider dich .” Iesus der
 23b,21 swaig vnd der fverste sprach aber zv im . “Ich beswere dich pi dem
 lebentigem
 23b,22 got daz dv mir sagest ob dv sist christ der gotes svn .” Do sprach zv .
 23b,23 im Iesus “dv hast es gesprochen . Ich sag ev ir sehet fverwaz sitzen den
 gotes
 23b,24 svn ze der zesm der tvgent vnd chomen in di wolchen des himels .” Do zart
 23b,25 der fverste sin gewant . vnd sprach “er hat gescholten . waz bedverf mir .
 23b,26 mer gezivgen . Ir habt selber wol gehort div scheltwort waz dvnchet .
 23b,27 evch gvt .” Des antwurten si vnd sprachen . “er ist wirdich des totes .” Do
 23b,28 speiten si an sin antlvetz . vnd di andern halsslegten in an daz or . vnd
 23b,29 sprachen “wissag vns christ wer hat dich geslagen .” Sant peter saz do
 23b,30 vor in dem hof . vnd gi zv im ein maget vnd sprach . “Dv were avch mit
 23b,31 Iesv der do ist galylea .” Des lavgent er vor in allen vnd sprach . “Ich en
 23b,32 weiz niht waz dv mainest .” Do er do gi fver di tver . do sah in ein and’
 23b,33 diren . vnd div sprach zv den di da waren . “Dirr waz avch mit Iesv vo-
 23b,34 Nazareth .” vnd er lavgent aber mit aiden daz er in iht erchant vnd
 23b,35 veber ein wenig weil sprachen di da stvnden ze petro . “werlich dv pist .
 23b,36 ir avch einer dich hat din rede geoffent .” Do begvnde er sweren vn-gezivgen
 .
 23b,37 daz er in niht erchant vnd veber ein wenig weil sange der

- 23b,38 hane . Do gedaht petrus an div wort div Iesus gesprochen het . “e . der
 hane
 23b,39 singe dv verlagengst min drie stvnt .” vnd gie her vz vnd wainte do .
 23b,40 pitterlich . Dez morgens gingen si ze rate di fversten vnd daz levtt wid’
 23b,41 Iesum daz si in brehten ze dem tot . Do Ivdas sach der in da verraten
 23b,42 het . daz er verdampnt waz do rav ez in . vnd braht di drizzich
 23b,43 phenni-g den fversten vnd den alten vnd sprach “ich han gesvendet .
- 24a,1 daz ich verchavft han ein hiligen man .” des antwurten .
 24a,2 si vnd sprachen . “was en rvch wir daz si mit dir” vnd warf di
 24a,3 phenni-g in den tempel vnd gi hin vnd erchant sich an einem
 24a,4 strichk . Di fversten namen di phenni-g “man sol si niht geben in gorbona
 24a,5 wan es ist ein lon des blvtes .” vnd berieten sich des . vnd chavften
 24a,6 eines haveneres acher ze einem bivell der bilgreini der avch .
 24a,7 wart geheizzen der acher akckemag daz ist ein acher des blvtes
 24a,8 vntz an disen hevtigen tach . So wirt erfvellet daz geschriben .
 24a,9 was von dem wissagen Ieremiam . “vnd nam drizzich phenni-g
 24a,10 ein lon ze miete . den si chavften von den . vnd gaben si vmbe
 24a,11 einen acher eines haveneres alz es mir gebot min herre” Iesus
 24a,12 Der stvnt vor dem geriht vnd vraget in den rihter vnd sprach
 24a,13 “dv pist der chvenich d’ ivden .” Do sprach Iesus “dv hast es gesproche-”
 24a,14 vnd do er gervegt wart von den fversten vnd von den alten . Do
 24a,15 antwurt er niht . Do sprach zv im pylatus “hoerest dv niht . wie
 24a,16 manich vrchvende si sprechent wider dich” vnd er antwurte
 24a,17 niht pylato . also daz es den rihter grozz wunder nam . Der
 24a,18 rihter het avch gewonhait von dem hiligen tag den levten ze
 24a,19 lazzen ein gevangen swelhen si wolten er het einen schvldigen .
 24a,20 gevangen . der hiez barrabas Do si sich gesampten do sprach zv
 24a,21 in pylatus . “wen welt ir den ich ev lazze Barrabam od’ Iesum .
 24a,22 der da heizzet Christus .” er weste wol daz si in heten dvrch neit gevangen
 .
- 24a,23 Do saz er ze gerihte do sant zv im sin wiep . vnd sprah
 24a,24 “niht dir vnd riht mir Ich han heint . von im in dem slaffe .
 24a,25 vil erliten .” Di fversten vnd di eltern . hiezzen daz levtt daz si
 24a,26 voderten Barrabam vnd Iesum vertailten . Des antwurte der riht’
 24a,27 vnd sprach zv in . “wen welt ir den man ev lazze d’ zweir einen”
 24a,28 Do sprachen . si “Barrabam .” Do sprach zv in pylatus . “waz welt ir daz
 24a,29 ich tv mit Iesu . der da heizzet Christus .” Do sprachen si alle . “chrvezeige
 in .”
- 24a,30 Do pylatus sach daz er niht schvf . Svnder daz der Ivdem ie groezz’
 24a,31 wart von den levten . do nam er ein wazzer vnd twag sin hende .
 24a,32 vnd sprach . “Ich pin vnschvldich an dem blvt des rechten mensche- .
 24a,33 daz si mit ev .” Do antwurt daz levtt gemeinlich vnd sprachen . “sin
 24a,34 blvt chom vf vns vnd vf vnseriv chint .” Do liez er in barrabam
 24a,35 vnd gab in Iesum ze slahen mit gaiseln . vnd daz si in chrevtzte-
 24a,36 Do namen des rihters rietter . Iesvm in di phallentz . vnd .
 24a,37 sampten di menig alle zv in vnd zvgen im ab sin gewant .
 24a,38 vnd leiten im an weizzen phelle . vnd machten ein chrone

24a,39 von dorn . vnd satzten im di vf sin havpt . vnd einen stab .
 24a,40 gaben si im in sin zesm hant . vnd chnieten fver in vn- sprachen .
 24a,41 “wis gegrvezzet der ivden chvenik” vnd speibten in an vnd namen
 24a,42 den stap vnd slvgen im sin havp . Do si sin gespotten .
 24a,43 Do zvgen si im ab den phelle vnd leten im an sin gewant . vnd

 24b,1 fvrten in ze chrevtzen . Do si vz gingen . Do fvnden si ein
 24b,2 menschen d’ hiez Symon . den betwungen si . daz er Iesv
 24b,3 mvst tragen daz chrevtz . vnd chomen . an di stat di
 24b,4 hiez Golgatha . daz ist Caluarie vnd gaben im ze trinche-
 24b,5 wein mit gallen gemischt . Do er ez versucht . do wolt .
 24b,6 er niht trinchen . Do si in gechrevtzten do tailten si
 24b,7 sin gewant vnd wurfen daz loz dar vmb wes es were .
 24b,8 vnd sazzen avch vnd hvten sin . vnd satzten vf sin havp
 24b,9 sin schvlde geschriben . “Dirr ist der ivden chvenich .” Do
 24b,10 chrevtzten si mit im zwen schacher einen ze der zesm
 24b,11 hant . einen ze der lenken hant Di da fver gingen . di
 24b,12 schvlten in . vnd wegten ir havp vnd sprachen “mag .
 24b,13 der den tempel zestoeren . vnd in drin tagen wid’ mache-
 24b,14 behalte dich selben ob dv sist der gotes svn . vnd gang
 24b,15 her ab dem chrevtz .” also spotten sin avch di fversten .
 24b,16 vnd die schriber vnd di alten vnd sprachen . “Di andern
 24b,17 machet er gesvnt . sich selben mag er niht machen gesvnt .
 24b,18 wache ob dv sist d’ ivden chvenich . So ging her ab de-
 24b,19 chrevtz so gelavb wir an dich . er getrawet an got d’
 24b,20 loese in ob er welle . er sprach ich pin der gotes svn .”
 24b,21 Daz selbe wort itweitz im der schacher . der do mit im
 24b,22 wart gechrevtz . von mittem tag wart vinster vf dev
 24b,23 erde vntz ze non . Vnd vmb nonzeit rief Iesus mit lavter
 24b,24 stimme . “hely . hely . lamazabathain” daz sprichet in devtzh
 24b,25 “min got min got wi hast dv mich verlazzen .” vnd svemlich
 24b,26 di dar vmb stvnden vnd es horten . di sprachen “er rveffet an
 24b,27 helyam” Do lief einer vnd fvlt einen badswam mit ezzich
 24b,28 vnd let dar in ein roeren vnd gab im ze trinchen . vnd
 24b,29 sprachen . “peitet ’ ob helyas nv chom vnd in loese .” Iesus lie ein
 24b,30 stimme vnd der vmbhanch des tempels d’ spielt sich enzwai
 24b,31 von oben vntz ze niderst . Daz sach ze Centurio d’
 24b,32 graf der stvnt gegen im daz er also rveffent waz .
 24b,33 verschniden . Do sprach er “werlich dirr mensch waz gotes
 24b,34 svn .” Do waren avch wiep di verre dar waren cho-me- .
 24b,35 vend’ den waz Maria Magdalena . vnd Maria Iacobi des minn’n /
 24b,36 vnd Ioseps mvt’ . vnd Salomee vnd do Iesus chom in Galyleam
 24b,37 do volgten si im nach dienten im . vnd ander .
 24b,38 vil di mit im waren gegangen ze Ierusalem . vnd waz
 24b,39 do spet waren . wan es waz der charfrietag der do ist .
 24b,40 vor dem samzttag Do chom Iosep von aromathya . vnd
 24b,41 peit avch das gotesrich vnd chom ze pylato vnd bat
 24b,42 im ze geben Iesus lichnam . pylatum wundert ob er noh

- 24b,43 tot . were . vnd hiez es besehen . Do hort er daz er tot .
- 25a,1 waz vnd gab den lichnamen Iosep . Iosep d' fvchavft
 25a,2 ein phelle vnd nam in ab vnd want in dar in .
 25a,3 vnd let in in daz grab daz do gehaven waz in
 25a,4 einen stain . vnd let einen stain dar veber
 25a,5 Daz ewangelium nach dem passion . S . Matheus
 25a,6 AN dem andern tag der do ist nach dem frietag .
 25a,7 Do chommen zesamine di fversten vnd di alte-
 25a,8 ze pylato . vnd sprachen "herre wir haben gedaht
 25a,9 daz der trvgner sprach dannoch do er lebt daz .
 25a,10 er in drin tagen erstvent . heizze des grabes hvete-
 25a,11 vntz an den dritten tag . Daz sin ivnger aht cho-men
 25a,12 vnd in verstelen . vnd sagen dem levte daz
 25a,13 er erstanden si von dem tot . vnd wirt danne d'
 25a,14 ivngist irresal wirser dann der erst ." Do sprach
 25a,15 zv in pylatus . "Ir habet di hvt get vnd hvetet .
 25a,16 sin alz ir wol wizzen ." Si gingen hin vnd veste-t
 25a,17 daz grab vnd zaichent den stain mit den hvetern .
 25a,18 Daz ewangelium des Mantages . S . Iohannes . scribt
 25a,19 ANte sex dies pasce . venit Iesus Bethania- .
 25a,20 et cetera . Vor sechs tagen der ostern . chom Iesus ze .
 25a,21 Bethanie . do lazarus tot waz den er da lebentich
 25a,22 machet . Do macht im Martha ze ezzen . vnd dient
 25a,23 im . Lazarus waz der einer di da sazzen mit Iesv
 25a,24 Maria nam ein wag edeler salben . Nardi spica .
 25a,25 vnd salbet Iesv sin havpt vnd twvg im sin fvezz
 25a,26 vnd trvchent si mit har vnd wart daz hays vol
 25a,27 von dem smache d' salben . Do sprach Ivdas scharioth
 25a,28 der in da wold verchavffen . "War vmb verchavffet
 25a,29 si di salben niht vmb driv hvndert phenni-g vnd hiet
 25a,30 si geben den armen ." Do sprach er niht daz er di arme-
 25a,31 solt besorgen Svnd' daz er was ein diep vnd het bvete-
 25a,32 lin vnd daz man im gab daz trvg er . Do sprach Iesus "verhenge
 25a,33 ir des daz si z behalte an den tach miner bivelles .
 25a,34 Ir habet si ze allen ziten pi evch . Ir habet min aber
 25a,35 ze allen ziten niht ." Groz menig der ivden erchanten daz er
 25a,36 do waz vnd cho-men niht alain daz si iesum gesehen . svnd'
 25a,37 lazarus- den er erchvechet het von dem tot . Do gedahten di
 25a,38 fversten daz si lazarus avch erslvegen . wan vil ivden gelavbten
 25a,39 dvrch in an Iesum . Do des andern tages di groz
 25a,40 menig vornam . di da chomen waz ze Ierusale- ze d' hochzit .
 25a,41 daz Iesus chom do namen si di balmeste vn- gingen vz
 25a,42 gegen im vnd rvften "Osanna der chvenich vo- Israhel si
- 25b,1 gesegent der da chvmt in gotes namen" vnd Iesus vant einen esel vnd
 25b,2 saz vf in alz geschriben ist . "tochter von syon fverht dir niht . Din chvenik
 25b,3 chvmt dir sitzent vf einer eslinne chint ." Des verstvnden sin ivnger niht .

- 25b,4 des ersten . Do er do geeret wart do gedahten si daz von im geschriben-
 25b,5 waz . da si da taten di schar di mit im do was . div vrchvendet daz daz
 25b,6 er lazaro vz dem grab rvfte . vnd in erchvechet von dem tot . Dar vmb
 25b,7 chom avch di menig gegen im wan si hieten vernommen daz zeichen . daz
 25b,8 er do begiet . Der ivden bischof sprachen zv in selben . “Seht ir daz wir
 niht
 25b,9 vahan in . Div werlt gelavbet elliv an in .” Es waren sventlich heiden
 cho-me-
 25b,10 ze Ierusalem . daz si do betten an dem hiligem tag . di gingen zv phylippo .
 25b,11 der do waz von Bethsayda . galylee . vnd paten in vnd sprachen . “herre
 wir wolten
 25b,12 Iesum gesehen .” Do chom phylippus vnd sagt es andrea . andreas vnd
 phylippus
 25b,13 sagten es Iesu . Iesus antwurt in vnd sprach “div zit ist chomen . daz des
 25b,14 menschen svn sol geeret werden . Ich sag ev werlichen es en valle daz .
 25b,15 chorn des samen in di erden vnd ersterbe . ez beleibet anders ein . erstirbet
 25b,16 es aber so bringet es vil wuchers . Der sin sel minne der verliese si .
 25b,17 vnd der sin sel hazzet in der werlt . Der behalt . si in daz ewig leben . Sw’
 25b,18 mir dienet der volget mir nach . vnd do ich pin do sol avch min diener
 25b,19 sin . Swer mir dienet den eret min vater d’ ze himel ist . Nv ist min sele
 25b,20 travrich vnd waz sprich ich vater hilige mich an dirr weil .” Do chom ein
 25b,21 stimme von himel “Ich han dich geeret vnd wil dich aber eren .” Die menig
 25b,22 di da stvnt vnd es hort . div sprach daz es were ein donnre . Di and’
 25b,23 sprachen “d’ engel hat in geeret . vnd wil in aber eren .” Iesus antwurt in
 25b,24 vnd sprach . “Di stimme ist niht chomme- dvrch mich svnd’ dvrch evch .
 Nv ist
 25b,25 daz geriht der werlt wan der fversten der werlt vz geworfen . vn- so
 25b,26 ich wirt gehoeht von der erde . so zivhe ich z her alles zv mir .” Do sprach
 25b,27 er daz bezeichent mit welchem tot er solte sterben . Des antwurt im di
 25b,28 menig: “wir haben gehoeret von der . e . Daz christ ewichlich ist . vnd wie
 .
 25b,29 sprichest dv daz man mvz hoehen den gotes svn . wer ist der gotes svn .”
 25b,30 Do sprach zv in Iesus “noch an evch ein weniges liht . Get di weil ir daz
 25b,31 liht habet daz evch di vinsten iht begreif . vnd der in der vinsten get
 25b,32 der waiz niht wa er get . Di weil ir daz liht habet so gelavbet an daz
 25b,33 liht . daz ir des lihtes chint seit .” Do Iesus daz gesprach do gie er von in
 25b,34 vnd verbarch sich . Den passion des ertages . schreibet S . Matheus
 25b,35 Erat autem pasci et azyma Es waren di ostern veber zwen tag .
 25b,36 vnd gerten di obersten ewarten vnd di schriber wi si Iesum mit vngetriwen
 25b,37 vingen . vnd in erslvengen . Si sprachen “niht an dem hiligen tag .
 25b,38 daz trvebvng iht wuerde vender den levten .” vnd do Iesus was in Symonis
 25b,39 havs des vzzetzigen vnd saz . Do chom ein wiep vnd het alabastru-
 25b,40 ein edel salben vnd spicei nardi vnd brach daz vas vnd goz di salbe-
 25b,41 vf sin havp . es waren svemlich di daz vnvirdichlich trvgen in in selbe-
 25b,42 vnd sprachen war vmb der schat wer getan . wan dis salben moecht
 25b,43 wol tiwer verchavft sin dann vmb driv hundert phenni-g vnd hiet .
 26a,1 di geben den armen . vnd zvrnden an si . Iesus sprach “verhenget ir .

26a,2 des war vmbe sit ir dem wieb veint . ein gvt werch hat si geworht
 26a,3 an mir vnd swenne ir welt so mvegt ir ir gvt getvn . Ir habet die
 26a,4 armen ze allen ziten pi evch . Ir habet aber min ze allen ziten niht .
 26a,5 Daz si moecht daz tet si Si ist fver cho-men salben minen liep ze d' bivelles .
 26a,6 werlich sag ich ev . swa man daz ewangeliu- sagt in alle dem lande so
 26a,7 wirt geredet daz si s hab getan ze der bivelles miner behvegte .” vnd Ivdas
 26a,8 scharioth der zwelfer einer . d' gie ze den obersten ewarten . vn- sprach
 26a,9 waz si im geben wolten . daz er in Iesvm verriet . do si daz horten do
 26a,10 wurden si fro . vnd gehiezzen im den schatz ze geben . vnd gedaht wie
 26a,11 er in gevellichlich verriet . vnd an dem ersten tag der hochzit . di si
 26a,12 begingen do sprachen di ivnger . “wa wilt dv daz wir gen . vnd .
 26a,13 machen dir ze ezzen .” vnd sant zwen siner ivnger vnd sprach “get
 26a,14 in di stat do begegnet ev ein mensch vnd treit ein largel mit
 26a,15 wazzer dem volget nach . vnd swa er in ge . so svelte ir ze dem wirte
 26a,16 sprechen wa ist min reienter da ich mit minen ivngern ezze di
 26a,17 ostern . vnd zaigte in ein mvzhavs . wol gemachtes . vnd beraitet
 26a,18 im daz ezzen .” vnd fvrten di ivnger da hin vnd chommen in di stat
 26a,19 vnd fvnden alz er in gesagt het . vnd machten di ostern vmb den
 26a,20 abent . chom er mit den zwelfen . vnd do si gesazzen vnd azzen do
 26a,21 sprach Iesus “werlich sag ich ev . daz evr einer mich verchavffet d'
 26a,22 mit mir izzet .” Si begvnden alle travren vnd sprachen . svnd'lich
 26a,23 “pin ich z .” er sprach zv in “der zwelfer einer der da dvnchet
 26a,24 mit mir in den napf der verraet des menschen svn alz von
 26a,25 im geschriben ist . we aber dem menschem von dem des menschen
 26a,26 svn wirt gegeben . Ia wer pesser im daz er nie geborn were .” vnd
 26a,27 do si azzen do nam Iesus daz brot vnd segent es vnd Brach ez
 26a,28 vnd gab in ez vnd sprach “nemt daz ist min lichnam .” vnd nam
 26a,29 den pecher vnd segent in vnd sprach . “nv trinchet daz ist min
 26a,30 blvt der niwen . e . daz wirt vmb manig vergozzen . Ich sag ev .
 26a,31 werlichen daz ich nv niht trinche des tranches vntz an den tach
 26a,32 daz ich trinche niwes in gotes rich” vnd do er den segen geschprach
 26a,33 do gie er vf den perch oliueti . vnd sprach zv in Iesus “Ir wert .
 26a,34 alle geschendet an mir heint an dirr naht . wan es ist geschriben
 26a,35 ich slahe den herten . vnd di schaf der herte werdent zestreut
 26a,36 vnd dar nach so ich ersten . so gen ich vor evr in Galyleam .”
 26a,37 Sant peter sprach zv im “ob alle di geschent werdent an dir . des
 26a,38 en wirt ich niht .” Iesus sprach zv im . “werlichen sag ich dir daz
 26a,39 dv heint an dirre naht . e . der han zwier singe . min verlavgenst
 26a,40 drie stvnt” Do stvnt sant peter “ob ich mvz sterben mit dir . Ich
 26a,41 verlavgen din niht .” also sprachen di ivnger alle . vnd Iesus .
 26a,42 chom an sin aigen daz hiez Gethsemani . vnd sprach zv sinen
 26a,43 ivngern “sitzet hie vntz daz ich gebete” vnd nam mit im petru-
 26a,44 vnd Iohannen vnd begvnde- in fverhten vnd travren vnd sprach

 26b,1 zv in . “Min sel ist travrich ze dem tot . enthabt evh
 26b,2 hie vnd vahet .” vnd do er ein wenich fverwaz gie . Do .
 26b,3 viel er vf di erde vnd pette ob es werden moechte daz .
 26b,4 in div zit verginge . vnd sprach “vater min es ist dir

- 26b,5 alles mvoglich . Nim di marter von mir . vnd niht daz
 26b,6 min wille werde erfvellet Svnder der din .” vnd chom vn-
 26b,7 vant si slaffent vnd sprach zv Symon petro . “Sleffest
 26b,8 dv Mohtest dv niht ein weil gewachen mit mir . Ir-wachet
 26b,9 vnd petet daz ir iht werdet bechort . Der geist .
 26b,10 ist berait daz fleisch ist aber siech .” vnd gie aber hin .
 26b,11 vnd bettet dir selben wort vnd chom zv den ivng’n .
 26b,12 vnd vant si slaffent . Ir avgen waren beswert vnd
 26b,13 westen niht waz si im antwurtent vnd chom ze .
 26b,14 dem drittem mal vnd sprach zv in “slaffet vnd rvt
 26b,15 sin ist genvg div zit ist chomen daz des menschen svn
 26b,16 wirt geben in di hende d’ Svnder . stet vf vnd ge wir
 26b,17 der mich do verraget . der ist nahen .” vnd do er dannoch
 26b,18 ret da chom Ivdas scharioth d’ zwelfer einer vnd .
 26b,19 mit im ein groz schar mit swerten vnd mit stange-
 26b,20 gesant von den obersten ewarten . vnd von den schrib’n
 26b,21 vnd von den alten . Der verrater het in daz zeichen gegeben .
 26b,22 “swen ich da chvosse der ist es . den habet vnd
 26b,23 fveret in gewerlich .” Do Ivdas chom do gi er .
 26b,24 zv im vnd sprach “Maist” vnd chvst in . Si vingen
 26b,25 in vnd habten in . einer der di da stvnden fvrt .
 26b,26 daz swert vnd slvg des obersten ewarten chneht
 26b,27 daz zesm or ab . Iesus sprach zv in . “Ir sit chomen mit
 26b,28 den swerten . vnd mit stangen . alz ze einem ravber .
 26b,29 mich ze vahan alle tag waz ich pi ev in dem tempel .
 26b,30 vnd lert ivch vnd vinget min niht . svnder daz div .
 26b,31 schrift erfvellet wuerde .” Do liezzen in di ivnger .
 26b,32 vnd flvhen . ein ivngelinch volget im gechlaidet
 26b,33 in einem mantel veber natchent havt . vnd vingen .
 26b,34 in vnd lie . den mantel . vnd vlohe natchent vo- in .
 26b,35 vnd fvrt Iesum zv den obersten ewarten . vnd die
 26b,36 alten vnd di schreib’ zusamme . petrus volget im nach
 26b,37 vntz in des obersten ewarten hof vnd saz do mit .
 26b,38 den dienern . vnd wermet sich pi dem fiwer Di oberste-
 26b,39 ewarten vnd alle di z er sprache waren chomen . Di
 26b,40 svchten valsch vrchvende wider Iesum . daz si in brehten
 26b,41 ze dem tot vnd fvnden niht . Genvg . sprache-
 26b,42 wider in lvglich daz niht gevellich waz . vnd .
 26b,43 svomlich stvnden vf vnd brahten lvglichiv wort .
- 32a,1 bischof sprachen ze pylato . “schreib niht d’ ivden chvenik . Svnd’
 32a,2 er sprach der ivden chvenich .” Des antwurt pilatus . “Daz ich geschriben
 32a,3 han . daz han ich geschriben .” Do in di rietter chrevtzen do
 32a,4 namen si sin gewant . vnd tailten es en drev . Iglichem rietter ein
 32a,5 tail vnd der roch waz vngenet oben vederal gewebt . Do sprachen
 32a,6 si zv einander . “zetaile wir in niht werfen wir daz loz wes er si”
 32a,7 daz di schrift erfvellet werde . “Si tailten min gewant vnd wurfen
 32a,8 daz loz vmb minen rochk .” Daz taten di rietter . Es stvnt avch pie

32a,9 dem chrevtz Iesus mvter . vnd maria Magdalena . vnd Maria chleophe .
 32a,10 Do sahe Iesus sin mvter an . vnd den ivng' den er do minte Do
 32a,11 sprach er zv siner mvter . "wiep sihe dinen svn ." Dar nach sprach
 32a,12 er zv dem ivnger . "Nv sihe din mvter" vnd Von der selben weil
 32a,13 nam si der ivnger in sin phleg . Dar nach wiste Iesus . wan
 32a,14 es alles geendet waz . daz div schrift erfvellet wuerde . Do sprach
 32a,15 er "mich dverstet ." Do stvnt ein vas volles ezzichz . Si bvten im gegen
 32a,16 dem mvnde einen badswam volles ezzichz vnd leiten ein roeren
 32a,17 dar in . Do er des ezzichz gesmachtet . Do sprach er "ez ist geendet"
 32a,18 vnd mit genaigtem havpt gab er den gaist . Di ivden paten
 32a,19 wan es der charfrietag waz . Daz di lichnamen iht an dem chrevtz
 32a,20 beliben . das samztages wan der samzttag waz hilich . Do paten si
 32a,21 pylatum . daz man im div bain zerslvege . vnd si ab neme . Do chome-
 32a,22 di rietter des ersten . di bain zebrachen si . vnd des andern der do
 32a,23 gechrevtz waz mit im . Do si chom-en zv Iesv . vnd daz si sahen daz
 32a,24 er tot waz . Do zerstiezzzen si niht siniv bain . Svnd' d' rietter einer
 32a,25 tet vf sin seitten mit einem sper vnd sa zehant gi her vz wazz'
 32a,26 vnd blvt vnd der ez sahe der saget ez vnd wizze wir wol daz
 32a,27 sin vrchvende war ist . vnd waiz wol daz er war saget . vnd daz
 32a,28 ir ez gelavbet daz geschach dar vmb . daz div schrift erfvellet
 32a,29 werde . "Ir geminret niht ein bain von im ." vnd aber ein ander
 32a,30 schrift . "sahen si an dem den si dvrchstachen ." Dar nach bat Iosep
 32a,31 von aromathya pylatum . da von daz er gotes ivnger waz tavgenlich
 32a,32 dvrch der ivden vorhte . daz er im gebe Iesus lichnamen .
 32a,33 Do chom avch Nichodemus der do chomen waz des nahtes zv Iesv .
 32a,34 des ersten vnd braht Iesus ein salben von mirren vnd von aloes
 32a,35 wol zehen phvnt vnd namen den lichnamen Iesv vnd wunden in
 32a,36 in ein tvch vnd mit weiroch alz di ivden noch sit . habent ze
 32a,37 bestatten . Es waz an der stat do er gechrevtz wart ein garte .
 32a,38 vnd in dem garten ein grab daz waz niwes . in daz noch
 32a,39 niemant waz gelegen . da dvrch den frietag d' ivden wan .
 32a,40 da pi waz daz grab do leiten sie in ein . Daz ewangelium
 32a,41 An dem osterabent . Schreibet vns . S . Matheus .
 32a,42 Uespere autem sabati que lucescit in prima sabbati . venit
 32a,43 Maria . An der vesper des samztages div da levhtet an .
 32a,44 dem ersten samzttag Do chom maria . Maria Magdalena vn-

32b,1 div ander Maria ze sehen Iesus grab . [...][...]

34a,1 in hin habent geleit . Do si daz gesprach do chert si sich .
 34a,2 wider vnd sahe Iesum sten . vnd weste niht daz es Iesus waz
 34a,3 Do sprach Iesus zv ir "wiep waz weinest dv wen svchest dv" Si .
 34a,4 want daz es were ein gartener vnd sprach zv im "herre habest
 34a,5 dv in vf gehalten so sag mir wa dv in hin habest geleist
 34a,6 so heb ich in vf ." Maria chert sich wider vnd sprach "Raboni"
 34a,7 daz sprichet maister . Do sprach zv ir Iesus "rvere mich niht . Ich
 34a,8 pin noch niht chomen zv minem vat' . Gange zv minen ivng'
 34a,9 vnd sag in . Ich var zv minem vnd evrem vater . Minem got

- 34a,10 vnd evrem got .” Do chom Maria magdalena . vnd chvendet es den .
 34a,11 ivngern . “Ich sahe den herren vnd saget mir daz /” Daz ewangelium des
 fritages . S . Iohannes
 34a,12 UNdecim discipuli abieru-t in Galyleam .
 34a,13 et cetera . Die einlef ivnger gingen in Galyleam . vf den berch alz es
 34a,14 in geboten het Iesus . vnd do si in sahen do betten si in an . Svemelich
 34a,15 zweifelten . vnd Iesus gi zv . vnd rete mit in vnd sprach
 34a,16 “Mir ist geben aller der gewalt in himel vnd in erde . get vnd
 34a,17 leret alle di werlt vnd tavffet si in dem namen . des vaters
 34a,18 vnd des svns vnd des hiligen geist . vnd leret si behalten alles
 34a,19 daz ich ev geboten han . vnd ich pin mit ev alle tag . vntz an
 34a,20 daz ende der werlte .” Daz ewangelium des samztzages . S . Iohannes .
 34a,21 UNa sabbati . venit Maria magdalena mane Eines samztzages
 34a,22 chom Maria magdalena frv .. Do ez dannoch vinster waz .
 34a,23 zv dem grab vnd sahe den stain ab gewalgten von dem grab si
 34a,24 lief vnd chom zv Symon petro vnd zv dem ivnger den Iesus do
 34a,25 minte vnd sprach zv in . “Si habent minen herren . vz dem grab
 34a,26 erhaben . vnd wizen wir niht wa si in hin habent geleit .” Do
 34a,27 gie Symon petrus her vz . vnd der and’ ivnger . d’ chom hin zv
 34a,28 dem grab . zwen lvffen mit einander vnd der ander lief balder
 34a,29 dann petrus . vnd waz der erst hin zv dem grab vnd do er
 34a,30 sich genaiget do sah er di lilachen ligen in dem grab vnd
 34a,31 gi niht dar in . Do chom nach im Symon petrus vnd gi in .
 34a,32 daz grab vnd sach di tvecher vnd daz swaiztvch daz da waz
 34a,33 ob sinem havpt . niht mit den lilachen geleit . Svnd’ zesame
 34a,34 gebvnden an ein stat . Do gi der ander ivnger dar in
 34a,35 der da des ersten chomen waz zv dem grab . vnd sahe ez
 34a,36 vnd gelavbet ez . Si erchanten dannoch niht d’ schrift daz
 34a,37 er mvst ersten von dem tot . Des nechsten svntags nach ost’n . S . Iohannes
 34a,38 Cvm esset sero dies illa . vna sabbatorum .
 34a,39 et cetera AN einem samztztag do ez spet wart vnd di tver
 34a,40 waren versperret . da di ivnger waren gesamt dvrch
 34a,41 der ivden vorhte Do chom Iesus enmitten vnd sprach zv in
 34a,42 “pax vobis der fride si mit ev .” vnd . do er daz gesprach .
 34a,43 do zaiget er in hende vnd fvzze vnd seitten Do wurden

 34b,1 di ivnger fro . do si gesahen den herren . Do
 34b,2 sprach er zv in “der frid si mit evch . alz mich sant
 34b,3 min vater . also sende ich evch .” Do er daz gesprach do
 34b,4 bliez er vnd sprach zv in “Nemet den hiligen geist vn-
 34b,5 swelhen ir vergebet ir svende den werdent si vergeben .
 34b,6 vnd swelhen ir si gehabet den werdent si gehabt .”
 34b,7 thomas der zwelfer einer . d’ do heizzet didimus der waz
 34b,8 niht mit in . Do Iesus chom do sagten im di and’n ivng’n .
 34b,9 “wir sahen den herren .” Er sprach zv in “ich sehe danne
 34b,10 sin hende mit den loechern der nagele vnd ich lege .
 34b,11 min vinger an der nagel stat vnd lege min hant .
 34b,12 in sin seitten . ich gelavbe sin and’s niht” vnd nach aht

34b,13 tagen do waren di ivnger aber danne vnd thomas mit
 34b,14 in do chom Iesus pi versparter tver vnd stvnt vender in .
 34b,15 vnd sprach “der frid si mit evch .” Dar nach sprach er ze
 34b,16 thoma “lazze din vinger her vnd sihe min hende vnd stoz .
 34b,17 din hant in min seitten vnd wiz niht vngelevbich svnder .
 34b,18 getriwe .” Do antwurt im thomas vnd sprach “min herre
 34b,19 vnd min got .” Do sprach zv im Iesus . “thoma wan dv mich .
 34b,20 hast gesehen . gelavbest dv . di sint selint selich di mich niht
 34b,21 sahen vnd es doch gelavbent .” Iesus begie ander zeichen vil .
 34b,22 ze gesiht siner ivnger div niht geschriben sint an disem bvch
 34b,23 div sint aber geschriben daz ir gelavbet daz Iesus ist gotes svn .
 34b,24 vnd daz si gelevbich sin vnd daz hieten in sinem namen .
 34b,25 daz gotesrich . Daz ewangelium d’ Mitwochen . S . Lucas . S
 34b,26 Svr gens Iesus . prima sabbati mane . apparuit primo Marie
 34b,27 magdalene . Iesus erstvnt frv an dem samzttag vnd erschain
 34b,28 des ersten Marie magdalene von der er vertriben .
 34b,29 het siben boeser geist . Di gie vnd chvendet ez den . di mit
 34b,30 im waren chlagent vnd weinent . Do si daz vernamen
 34b,31 daz er lebt vnd daz si in gesehen het vnd gelavbten ez
 34b,32 niht . Dar nach do ir zwen gingen in di stat . do erschain .
 34b,33 er in in einem andern bilde vnd di gingen hin vnd sagte-
 34b,34 es den andern levten . Daz ewangelium des fritages . S . Marcus
 34b,35 Exierunt mulieres de monumento . Die wieb gingen vz
 34b,36 dem grab mit vorhten vnd mit grozzer frevde vnd lvffen
 34b,37 vnd chvnten es sinen ivngern . vnd lief Iesus gegen in vnd
 34b,38 sprach zv in “Sit willechomen .” si vielen im ze fvezzen .
 34b,39 vnd an betten in . Do sprach zv in Iesus “fverht ev niht
 34b,40 saget es minen brvedern daz si gen in galyleam da
 34b,41 sehent si mich .” do si hin geschieden . do chomen svemlich d’
 34b,42 hveter in di stat . vnd chventen den bischoeven elliv dinch .
 34b,43 di da waren ergangen vnd gingen zesamme di alten
 34b,44 vnd namen rat daz si geben grozzen schatz den riettern
 34b,45 daz si sprechen daz sin ivnger weren chomen dez nahtes .

35a,44 [...] [...] an dem ivngstem tag wan ich han ir niht geret von mir

35b,1 selben wan der vater der mich sant d’ gab mir daz gebot .
 35b,2 daz ich da spriche vnd daz ich da rede . vnd weiz wol .
 35b,3 daz sin gebot ist daz ewig leben . daz ich da rede daz
 35b,4 spriche ich alz mir es sagt min vater . Des dritte- svntags s . Iohannes
 35b,5 IN illo te-pore dixit Iesus disciplis suis Modicu-
 35b,6 et iam non videbitis me . Iesus sprach zv sinen ivngern
 35b,7 “es ist ein wenig zit daz ir mich nv niht sehet . vnd ist ab’
 35b,8 ein chvrtz zit daz ir mich sehet wan ich var zv minem
 35b,9 vater .” Do sprachen sin ivnger zv einander “waz ist daz er
 35b,10 sprichet . es ist niht lang daz ir min niht sehet vnd ab’
 35b,11 chvrtz daz ir mich sehet wan ich var zv minem vater .
 35b,12 Waz ist daz er sprichet . ein wenich wir ez en wizzen . waz

35b,13 er mainet .” Do weste Iesus wol daz si in wolten fragen .
 35b,14 vnd sprach zv in Ir fraget vnder ev von dem daz ich .
 35b,15 sprach es ist niht lang daz ir min niht sehent . vnd ab’ niht
 35b,16 lanch daz ir mich sehet . werlich sag ich ev daz ir travret
 35b,17 vnd wainet vnd daz sich di werlt frevt vnd evr travren
 35b,18 wirt becheret in frevde . So daz wiep gebirt so ist Si travrik
 35b,19 wan ir zeit ist chomen . So si aber gebirt daz chint so gedenchet
 35b,20 si niht der noete von der frevde daz ein mensch ist
 35b,21 geboren in dis werlt . Ir habet nv vnfrevde Ich gesihe evch
 35b,22 aber vnd frevt sich dann evr hertz . vnd nimet nimant
 35b,23 di frevde von evch Daz ewangelium d’ Mitwoche- . S . Johannes
 35b,24 IN illo tempore facta est quesstio ex discipl’ Ioh’s Es waz
 35b,25 ein vrag vo- Iohannis ivnger mit den ivden von d’ tavffe
 35b,26 vnd chommen zv Iohanne vnd sprachen zv im . “Maister d’ da
 35b,27 waz anderhalbe des Iordans mit dir dem dv vrchvende gaeb
 35b,28 der tavffet vnd chomment alle zv im .” Des antwurt Iohannes
 35b,29 vnd sprach . es en mag daz mensch niht genemen . es wert
 35b,30 im geben von himel . Ir selbe vrchvendet mir daz ich sprach
 35b,31 Ich pin z niht christus Svnder von im pin ich gesant . Der
 35b,32 div bravt hat der ist bravtegam . Des bravtegames frevnt
 35b,33 stet vnd hoeret in vnd frevt sich dvrch des bravtegames .
 35b,34 stimme . min frevt ist erfvellet er mvz wachsen vnd ich ab
 35b,35 nemmen . D’ von himel chvmt d’ ist ob in allen . vnd d’ vo-
 35b,36 der erde ist d’ redet avch von der erde . Der da von den .
 35b,37 lveften chvmt d’ ist ob in allen . vnd daz er siht vnd hoeret daz
 35b,38 redet er . vnd nimet sin vrchvende der ez aber nimet d’ bezeichent
 35b,39 daz got warhaft ist . den got da sant in di werlt
 35b,40 der spricht avch siniv . wort . Got git den geist niht mit
 35b,41 d’ mazze . Der vater der minnet den svn vnd hat im ez
 35b,42 alles geben in sin gewalt . Der gelavbet an den svn der
 35b,43 hat daz ewig leben . Der aber vngelevbich ist dem svn d’
 35b,44 hat niht daz ewig leben . Svnd’ gotes zorn beleibt pi im .
 35b,45 Des vierden svntags . S . Johannes IN illo tempore dixit Iesus

36a,1 discipulis suis . Vado ad eum qui misit me . Iesus sprach
 36a,2 zv sinen ivngern . Ich gen zv dem der mich gesant hat . vnd .
 36a,3 fraget mich evr deheiner war wilt dv . Nv han ich ev geseit
 36a,4 daz evr hertz travrent . werlich sag ich ev es ist ev gvt .
 36a,5 daz ich var hin . So chvmt d’ hilig geist zv ev niht . Chvm ich
 36a,6 aber dar so sende ich ev in . So er danne chvmt so straffet er
 36a,7 div werlt vmb di svende vnd vmb daz reht vnd vmb daz geriht .
 36a,8 Vmb di svende daz si niht an mich gelavbent . vn- vmb
 36a,9 daz reht daz ich var zv minem vater vnd min nv niht sehent .
 36a,10 vnd vmb daz geriht . wan der fverst dirr werlt ist gerihtet .
 36a,11 Ich han ev noch vil ze sagen . Ir mveget sin aber nv
 36a,12 niht getragen . So aber chvmt d’ geist d’ warheit . So leret
 36a,13 er evch alle warheit . er redet niht von im selben . Svnd’ swaz
 36a,14 er gehoert daz redet er . vnd swaz chvenftich ist daz chvendet

- 36a,15 er ev . er eret mich wan er nimet von dem minem . vnd sagt
 36a,16 evch ez alles daz min vater hat daz ist min . Dar vmb sprach
 36a,17 ich daz er es nimet von dem minem vnd saget ev ez alles
 36a,18 daz min vater hat daz ist min . Dar vmb sprach ich daz er
 36a,19 es nimet von dem minem . vnd chvendet es evch . Daz ewangelium des
 fritages . S . Johannes
 36a,20 IN illo tempore dixit Iesus discipulis suis .
 36a,21 Filioli ad hvc Modicu- vobiscu- su- . Iesus sprach zv sinen ivng'n .
 36a,22 "Chind' noch pin ich ein weil mit ev . Ir svchet mich vnd alz
 36a,23 ich sprach zv den ivden . dar ich da gen da mveget ir hin nv
 36a,24 niht chomen . Vnd ler evch nv ein neues gebot . daz gib ich ev
 36a,25 daz ir an einander minnet Da pi erchennent si alle daz .
 36a,26 ir min ivnger seit . ob ir di minne habet zv einander ." Do
 36a,27 sprach zv im Symon petrus "herre war gest dv ." Do sprach Iesus
 36a,28 "dar ich da hin gen . da maht dv nv niht gevolgen . Dv volgest
 36a,29 aber her nach ." an dem tag tyburcij . et valeriani . S . Lvcas .
 36a,30 IN illo tempore Dixit Iesus discipulis suis . ego sum vitis vera et cetera
 36a,31 pat' meus agricola est . Iesus der sagt sinen ivngern . "Ich pin .
 36a,32 ein warev weinreb vnd ist min vater ein bavman . alle di schvezlinge
 36a,33 di niht wuchers bringent . [...] [...] Ir seit nv rain dvrch di wort
 36a,34 di ich ev han gesagt . Beleibet an mir vnd ich an evch . als d'
 36a,35 schvezling niht mag wuchers bringen von im selben er beleib
 36a,36 dann an der weinreb . also mveget ir niht ir beleibet dann an
 36a,37 mir . Ich pin div weinreb vnd ir seit di schvezling d' an mir
 36a,38 beleibet der bringet vil wuchers . wan ir an mich niht mveget
 36a,39 getvn . Swer niht an mir beleibet den wirfet man vz .
 36a,40 alz den schvezling vnd dorret vnd liset in zesamme in daz fevr .
 36a,41 vnd brennet in vnd beleibet ir an mir vnd miniv wort
 36a,42 mit ev beleibent . swaz ir welt des geret daz wirt evch .
 36a,43 anders gert niht min vater danne daz ir vil wuchers
 36a,44 bringet vnd wert min ivnger . alz mich min vat' minte .

 36b,1 also minne ich evch da von beleibet in miner minne . ob ir miniv .
 36b,2 gebot behaltet so beleibet in minne . alz avch ich mines vat' gebot
 36b,3 behielt vnd beleib an siner minne . daz han ich mit ev geredet . Daz
 36b,4 min frevde si mit ev . vnd evr frevde werde erfvellet ." an dem
 36b,5 tag d' h'ren . S . philippi vnd Iacobi . schreibet S . Iohannes daz ewangelium
 36b,6 IN illo tempore Dixit Iesus discipulis suis . Non . turbetur cor vostr- et
 cetera .
 36b,7 et cetera . Iesus sprach zv sinen ivngern . "evr hertz sol niht travren Gelavbet
 36b,8 ir an got so gelavbet avch an mich . In mines vater havs ist . vil
 36b,9 wonvng . ob ich ev niht gesaget het . daz ich gen ev beraittet div stat .
 36b,10 Nv chvm ich vnd nime evch zv mir selben . da ich si daz ir avch
 36b,11 da sit . vnd dar ich da gen daz wizzet ir vnd den wech wizzet
 36b,12 ir ." Do sprach zv im thomas . "herre wir wizzen niht war dv
 36b,13 gest vnd wie mvegen wir wizzen den weg ." Do antwurt im Iesus
 36b,14 "ich pin der wech div warhait vnd daz leben . es chvemet nimant zv
 36b,15 dem vater wan mit mir . ob ir mich erchant so erchennet ir

- 36b,16 avch minen vater . vnd er chennet in hevt lang . vnd habet in gesehen .”
 36b,17 Do sprach zv im philippus “herre zaig vns den vater so genveget
 36b,18 vns .” Des antwurt im Iesus Ich pin so lang mit ev gewesen
 36b,19 vnd er chennet min niht . philippe der mich sihet . d’ siht avch
 36b,20 minen vater . wie sprichet dv zaig vnd den vater . Gelavbest
 36b,21 dv niht daz ich mit dem vater vnd der vater mit mir ist . Div
 36b,22 wort div ich gesprochen han zv evch div han ich niht geredet von
 36b,23 mir selben . Der vater der mit mir do ist d’ wuerchet div werch .
 36b,24 oder gelavbest dv niht daz ich mit dem vater vnd der vater mit
 36b,25 mir ist dvrch div selben werch gelavbet . werlich sag ich ev swer
 36b,26 an mich gelavbet div werch div ich da tvn . div tvt avch er vnd tvt
 36b,27 groeizzer wan ich gen zv minem vater . Swez ir pitet in minem .
 36b,28 namen den vater daz ich daz tvn . als daz hilig chrevtz fvnden wart schreibet
 . S . Iohannes .
 36b,29 ERat homo ex phariseis Nichodemus no-i-e .
 36b,30 princeps ivdeorum . ES waz ein mensch der hiez Nichodemus .
 36b,31 vnd waz fverste der ivden . Der chom des nahtes zv Iesv vnd sprach
 36b,32 zv im “Maister wir wizen wol . daz dv von got pist cho-men . es moeht
 36b,33 div zaichen nimant getvn div dv da tvst es were got pi im .”
 36b,34 “Werlich sag ich dir Niwan der geborn wirt anderstvnt daz anders
 36b,35 nimant mag chomen zv dem gotesrich .” Do sprach zv im Nichodemus
 36b,36 “wie mag der mensch wider geborn werden . swenne er alt ist . oder
 36b,37 mag er aber in sin mvter chommen . vnd anderstvnt geborn werden .”
 36b,38 Des antwurt im Iesus “werlich sag ich dir Niwan der getavft
 36b,39 wirt avz dem wazzer mit . dem hiligen geist . Daz nimant mag .
 36b,40 chomen in daz gotesrich . Daz von dem fleisch geborn ist daz ist
 36b,41 avch fleisch . vnd daz geborn ist von dem geist daz ist avch ein
 36b,42 geist La dich niht wundern daz ich dir gesaget han . daz and’stvnt
 36b,43 mvezze geborn werden . Swa der geist wil da sprichet er
 36b,44 vnd hoerest sin stimme vnd weist niht von wannen div oder [...] [...]
- 38a,1 vil wuchers bringet vnd daz ir werdet min ivnger . alz
 38a,2 mich minnet min vater also minne ich evch . beleibet in miner
 38a,3 minne . ob ir miniv gebot behaltet . so beleibet ir in miner
 38a,4 minne alz ich avch behielt div gebot mines vater vn-
 38a,5 won in siner minne Daz han ich ev gesaget . daz min frevde
 38a,6 si mit ev vnd daz evr frevde . werde erfvellet .” An dem phingstabent .
 schreibt . S . Iohannes .
 38a,7 IN illo tempore dixit dominus Iesus
 38a,8 discipulis suis . Si diligitis me mandata mea servate . Iesus
 38a,9 sprach zv sinen ivngern . “ob ir mich minnet so behalt min
 38a,10 gebot vnd ich pite den vater vnd er git ev . einen andern troest’ .
 38a,11 Daz er beleib mit ev ewichlich . Den geist der warheit den di
 38a,12 werlt niht mag enphahen wan si sin niht en siht noch en weiz
 38a,13 sin niht Ir erchennet in . wan er beleibet . pie ev . vnd . wirt in
 38a,14 ev wonent noch ein lvetzel . vnd en siht min div werlt niht Ir sehet
 38a,15 aber mich wan ich lebe vnd ir lebet an dem tag . erchennet
 38a,16 ir daz ich mit minem . vater pin vnd ich mit ev .

- 38a,17 vnd ir mit mir . Der miniv gebot hat vnd div behaltet d'
 38a,18 ist der mich da minnet . der wirt geminnet von minem vat'
 38a,19 vnd minne ich avch in ." Daz ewangelium an dem phingesttag . scribt
 Sanctus . Iohannes . ewangelista
 38a,20 IN illo tempore dixit Iesus discipulis suis .
 38a,21 Siquis diligit me . sermonem meum seruabit . Iesus sprach .
 38a,22 zv sinen ivngern . "Der mich lieb hat der behaltet min gebot vn-
 38a,23 minnet in min vater . vnd cho-ment zv im vnd habent wonvng
 38a,24 mit im . Der mich niht minnet d' behalt niht min lere . vnd
 38a,25 div rede di ir vernommen habt von mir div ist niht min .
 38a,26 Svnder des der mich gesant hat . des vater daz han ich ev
 38a,27 gesaget pie ev wenende . Der hilig geist der troestet den der
 38a,28 vater sendet in minem namen . der leret evch ez alles vnd
 38a,29 chvendet ev allez daz ich ev sag . Minen fride lazz ich ev minen
 38a,30 fride sent ich ev . Niht alz disiv werlt git . ich ev gib
 38a,31 evr hertz travrent niht noch en fverhtet niht . habet ir vernommen
 38a,32 daz ich ev saget . Ich var vnd chvm zv ev . ob ir mich
 38a,33 minnet so frevd ir evch werlich . daz ich var zv dem vater
 38a,34 wan der vater ist merer dann ich . vnd han ev ez nv gesagt
 38a,35 e . ez geschehe . So ez geschehe daz ir es gelavbet . Ich rede
 38a,36 nv niht mit ev vil es ist cho-men der fverst alle dirre werlt
 38a,37 vnd hat niht an mir Svnd' daz div werlt erchenne daz ich
 38a,38 minne den vat' vnd alz mir d' vat' tvt also tvn ich ev ." Daz ewangelium Des
 mantages . S . Iohannes .
 38a,39 IN illo tempore dixit Iesus .
 38a,40 disciplis suis . Sic eum deus dilexit mvndum vt filium .
 38a,41 suum . Iesus sprach zv sinen ivngern . "also minnet got di

 38b,1 werlt . daz er sin einborn svn gebe daz alle di an in .
 38b,2 gelavbent niht verdebent Svnd' daz si haben daz ewig lebe-
 38b,3 Got sant sin svn niht also in dis werlt . daz er rihte veber di
 38b,4 werlt . Svnd' daz div werlt gehiligt werde dvrch in . Der an in
 38b,5 gelavbet den vrtailt man niht . Der niht gelavbet den vrtailt
 38b,6 man . wan er niht gelavbet in dem namen gotes des einborn
 38b,7 chindes . Daz ist daz geriht wan daz liht chom in di werlt . vnd
 38b,8 di levnt minten di vinster mer danne daz liht . Iriv werch ware-
 38b,9 vebel . Swer so vebel tvt der hazzet daz liht . vnd chvmt niht ze liht
 38b,10 Daz man iht brvofe sin werch . Der aber tvt di warhait d' chvmt
 38b,11 ze liht . daz siniv werch geoffent werden wan si in gote sint getan ."
 38b,12 Des ertages daz ewangelium s . Iohannes IN illo tempore Dixit Iesus .
 38b,13 discipulis suis amen amen dico vobis qui non intrat in ovile
 38b,14 p hostiu- . Iesus sprach zv sinen ivngern . "Werlich sag ich ev Der
 38b,15 get zv der tver der ist herter der schaffe dem tvt der torwertel
 38b,16 vf vnd hoerent div schaf sin stimme vnd rveffet sin aigen schaffe-
 38b,17 mit namen . vnd fverent si vz . vnd so er dannoch div schaf hat
 38b,18 vz gefveret so get er vor in vnd volgent im div schaf vnd erche-
 38b,19 nent sin stimme . einem fremden volgent si niht . Si vliehent .
 38b,20 von im wan si erchennent sin stimme ." Daz bispel saget in do

38b,21 Iesus Si verstvnden niht waz er saget in . Do sprach er aber zv
 38b,22 in “werlich sag ich . ev . daz ich pin dev tver der schaffe . alle di
 38b,23 choment an mich di sint dieb vnd ravber di erhoerent niht di
 38b,24 schaf . Ich pin dev tver swer dvrrh mich in get d’ wirt hilich
 38b,25 vnd get in vnd vz . vnd vindet di waide . Der diep chvmt dvrrh
 38b,26 anders niht wan daz er stel vnd slahe vnd verliese vnd ich .
 38b,27 chom daz si behalten daz leben vnd es vollechlichen haben .”
 38b,28 Daz ewangelium d’ Mitwochen . S . Johannes IN illo tempore dixit Iesus .
 38b,29 discipulis suis . Nemo potest . venire ad me . Iesus sprach zv .
 38b,30 sinen ivngern . “es mag nimant chomen zv mir Niwan der vat’
 38b,31 zihe in der mich da sant vnd ich erchveche in . an dem ivngiste-
 38b,32 tag . es ist geschriben von dem wissagen . Si werdent alle gotes
 38b,33 lere chint . Swer es gehoert hat von dem vater vnd es gelernt
 38b,34 der chvmt zv mir niht . Daz den vater iemant habe gesehen .
 38b,35 Niwan der von got ist der sihet den vater Ich sag ev werlich
 38b,36 der an mich gelavbet . der hat daz ewig leben . Ich pin daz lebentig
 38b,37 brot . evr vater azen daz himelbrot in der wueste vn-
 38b,38 sint tot . Ditz brot daz chvmt von himel . vnd swer daz izzet der
 38b,39 erstirbet avch nimmer . Ich pin daz lebentig brot das da chvmt
 38b,40 von himel . Swer des brotes izzet . Der lebet ewichlich . vnd daz
 38b,41 brot ist min fleisch daz ich da gib vmb daz leben d’ werlt .”
 38b,42 Des phintztages . S . Johannes IN illo tempore Conuocatis Iesus .

40a,1 [...] [...] vnd weist des niht . Werlich sag ich dir daz wir
 40a,2 do wizen daz rede wir vnd daz wir do sehen .
 40a,3 daz vrchvenden wir vnd enphahet ir niht vnser
 40a,4 vrchvende . ob ich ev div Irdischen ding sag vnd ir
 40a,5 des niht gelavbet . Sag ich ev dann di himelisch-
 40a,6 wie gelav<.>bet ir dev . vnd chvemet nimant hin tz .
 40a,7 himel wan der von himel ist her nider chommen .
 40a,8 Des menschen svn der ze himel ist . vnd als Moyses .
 40a,9 hoehet di slangen in den wueste also mvz des mensche-
 40a,10 svn . Daz alle di gelavbent an in niht verderbent Svnd’
 40a,11 haben daz ewig leben . Daz ewangelium d’ Mitwochen . S . Lucas .
 40a,12 Accedentes discipuli ad Iesum . et dixerunt Illi . et
 40a,13 cet’a Die ivnger gingen zv Iesum . vnd sprachen
 40a,14 zv im . daz er di menig liez gen in daz castelle vn-
 40a,15 in di doerfer di dar vmb sint . Daz si vinden ze
 40a,16 ezzen “wan wir sin hie an einer wuosten stat .” Do
 40a,17 sprach er zv in . “Gebet ir in ze ezzen .” Des antwurte-
 40a,18 im di ivnger “wir haben niht mer danne zwen fisch
 40a,19 vnd fvenf brot Wir gen danne vnd chavffen aller
 40a,20 der menig ze ezzen .” es waren wol fvenf tavsent man
 40a,21 Do sprach Iesus zv sinen ivng’n . “heizzet di menig sitze-
 40a,22 vnd ezzen .” Si taten also vnd sazen vnd azen . Do
 40a,23 Iesus nam div fvenf brot vnd di zwen visch Do sahe
 40a,24 er vf hint z himel vnd segent si vnd brach si vn-
 40a,25 gab si sinen ivngern . Daz si s leten fver di menig

40a,26 vnd azzen alle vnd wurden gesatt . D' fritages . . S . Lucas .
 40a,27 IN illo tempore . Dixit Iesus discipulis suis .
 40a,28 Cum autem includent vos in Synagogas . Iesus .
 40a,29 sprach zv sinen ivngern . "so si avch fveren vender d'
 40a,30 menig vnd zv der Maisterscheft . vnd fver di gewaltigen
 40a,31 so sorget niht wi ir antwurt . od' waz
 40a,32 ir sprechet . Der hilig geist leret evch an der
 40a,33 selben weil daz ir redet ." Do sprach vor im einer
 40a,34 der menig "Meister gebevt minem brvder daz er
 40a,35 mit mir tail daz erbe ." Do sprach er zv im Iesus
 40a,36 "mensch wer hat mich gesetzet ze rihter vnd ze
 40a,37 tailer veber evch" vnd sprach zv in . "Seht vnd
 40a,38 hvetet evch vor aller girischait wan eines .
 40a,39 iglichen menschen leben ist niht von der
 40a,40 genvhtsam . di ez besezen hat" vnd saget

40b,1 in ein glichnvezz . "Eines richen mannes achker d'
 40b,2 braht vil wuchers vnd er gedaht in sinem hertzen .
 40b,3 vnd sprach waz sol ich tvn . daz ich niht han da ich
 40b,4 min chorn in gesamene vnd sprach also wil ich tvn .
 40b,5 vnd minen stadel zebrechen . vnd einen merern mache-
 40b,6 vnd wil dar in sammen alles daz mir gewachsen ist .
 40b,7 vnd min gvt vnd spriche zv miner sel . Sel dv hast vil .
 40b,8 gvtes zusamme geleit ze manigen iaren . Zvo izze trinche
 40b,9 hab wirtschafft . Do sprach zv im got tvmber des nahtes .
 40b,10 vodernt si wider di sel . daz dv danne beraitet hast . wan .
 40b,11 wirt daz . also ist dem der im selben schatzet d' ist daz
 40b,12 gotesrich ." an dem svbent abent . Daz ewangelium . S . Lucas
 40b,13 Fvit in diebus herodis regis ivdee . sacerdos quidam
 40b,14 no-i-e zacharias Es waz in den tagen herodes d' chvenich
 40b,15 waz der ivden . ein ewart hiez zacharias vnd het
 40b,16 ein wiep von aaronis geslecht div hiez elspet . Si waren
 40b,17 beidiv reht vor got behalten an allen dingen .
 40b,18 vnd heten niht svnes wan elspet waz vnberhaft
 40b,19 vnd waren beidiv chomen ze ir tagen . es geschach
 40b,20 do zacharias beging daz briester·ampt . an der ordenvng
 40b,21 siner zeche vor got Do gie er vz daz er rv-te vn-
 40b,22 gie in daz tempel vnsers herren vnd alle di menig
 40b,23 des levtes waz vzzeralbe des tempels di zit do man
 40b,24 ravnte Do erschain im der hilig engel . stende ze der zesm
 40b,25 hant des . alters ze dem ravch vnd do in zacharias
 40b,26 ersach do wart er travrich vnd vorht im . Do sprach
 40b,27 zvo im der engel . "fverht dir niht zacharis wan din .
 40b,28 gebet ist erhoert vnd din wip elizhabeth gebirt einen
 40b,29 svn dir . vnd heizest dv sinen namen Iohannes
 40b,30 vnd wirt dir ein freude vnd ein mandvng vnd
 40b,31 manig frewend sich an siner gebvrt . er wirt avh
 40b,32 groz vor got . vnd wein noch met trinchet er niht .

40b,33 vnd wirt erfvellet mit dem hiligen geist in sin' mvt'
 40b,34 leib vnd bechert d' ivden zv got ein michel tail . vn-
 40b,35 er get vor im in den geist vnd in der tvgent helyc .
 40b,36 Daz er becher div hertze . der vaeter zv den sven
 40b,37 vnd di vngelevbigen zv der weizhait D' rehten .
 40b,38 machen dem herren . ein dvrnehtich christenhait ."
 40b,39 an dem svbent tag . S . Lvcas . ELisabeth in pletu- .
 40b,40 est tempus patiendi . Div zit elizabethen . daz si

41a,1 gebern solde . waz erfvellet . vnd gebar einen svn . Do ir
 41a,2 nachgebavren . vnd ir frevnde vernommen . daz vnser h're
 41a,3 sin erbarmvng het begangen mit ir Des sagten si im
 41a,4 genade . vnd an dem ahten tag . Do chommen si ze besneide-
 41a,5 daz chint vnd hiezzen im nach sinem vater zachariam . vn-
 41a,6 do antwurt sin mvter vnd sprach "fvernamens niht er
 41a,7 sol heizzen Iohannes ." Vnd si sprachen zv ir "Nv ist nimant
 41a,8 in dinem geslecht der also heizze ." vnd wincte sinem vater
 41a,9 wie er in solt heizzen . vnd hiez im geben einen pensel vn-
 41a,10 schraib "Iohannes ist sin nam ." vnd wundert si alle des .
 41a,11 Sa zehant wart vf getan sin mvnt vnd sin zvng vnd
 41a,12 redet vnd lobt got daz ervorhten alle sin nahtgebavren .
 41a,13 vnd veberschvllen aller disiv wort in Ivedischait . vnd alle
 41a,14 di daz vernamen di betrahten in ir hertze vnd sprachen
 41a,15 "wenet ir daz ditz dinch . werlich di genade des hilige- geist .
 41a,16 ist mit im ." vnd zacharias sin vater wart erfvellet mit . dem
 41a,17 hiligen geist vnd wissagt vnd sprach "geseigent si der got vo-
 41a,18 Israhel wan er hat gesehin vnd gemachet di ledvnge siner diet"
 41a,19 an dem abent . sant peter vnd sant pavl . s . Iohannes . DIxit Iesus .
 41a,20 petro Symoni Iohannis diligis me plus hiis . Iesus sprach zv Symo-
 41a,21 petro Iohannis "minnest dv mich mer danne dis ." Do antwurt im petrus
 41a,22 vnd sprach . "herre dv weist woll daz ich dich minne ." Do sprach er
 41a,23 zv im "fvore min schaf ." vnd fraget aber Iesus Symon Iohannis .
 41a,24 "minnest dv mich ." Des antwurt im petrus "herre dv weist ez wol
 41a,25 daz ich dich minne ." Do gebot er im "fvre min schaf ." Er vraget
 41a,26 in ze dem dritten mal vnd sprach "Symon Iohannis minnest dv mich
 41a,27 mer dann dis ." Do wart sant peter travrich daz er in vraget
 41a,28 ze dem drittem mal . vnd sprach "herre dv weist alles daz der ist
 41a,29 Dv weist wol daz ich dich minne" Do sprach er zv im "fvre miniv
 41a,30 schaf . werlich sag ich dir do dv ivenger were do gvertest dv dir . vn-
 41a,31 gingt swa dv woldest Nv dv alt pist nv bindet dich ein ander vnd
 41a,32 fveret dich dar dv niht wilt ." daz sprach er dar vmb daz er bezeichent
 41a,33 mit welchem tot er got solt loben . an dem tag . sant pet' vn- s . paul . S .
 Iohannes
 41a,34 Uenit Iesus in partes cesarie philippe . Iesus
 41a,35 chom in daz lant cesarie daz philippi waz vnd vraget sin
 41a,36 ivngeri vnd sprach "wen heizzent di levte des menschen svn ." Di antwurten
 41a,37 im vnd sprachen . "Svemlich Iohannem den tavffer ettelich helyam
 41a,38 di andern Ieremiam oder einen der wissagen ." Do sprach er zv

- 41a,39 in “wen haizzent ir aber mich” Do antwurt im Symon petrus .
 41a,40 “Dv bist es christus des lebenden gotes svn .” Do antwurt im Iesus .
- 41b,1 vnd sprach zv im . “Symon barnola dv pist selich wan es
 41b,2 dir weder fleisch noch blvt geoffent hat . Svnder min .
 41b,3 vater der da ze himel ist . vnd sag avch dir daz dv ez bist
 41b,4 petrus vnd vf disen stain zimber ich min christenhait vnd
 41b,5 di helle porten gesigent dir niht an . vnd gib dir di slvezzel
 41b,6 des himelrichz . vnd swaz dv gebindest vf der erde . daz wirt
 41b,7 avch enbvnden ze himel . vnd swaz dv erloesest vf der erde .
 41b,8 daz wirt avch erloeset da ze himel” Daz ewangelium an sant paulus tag . S
 . Iohannes
- 41b,9 DIXit Symon petrus ad Iesum . ecce nos .
 41b,10 reliquimus o-ia et cetera Symone petrus sprach zv Iesu . “wir habe-
 41b,11 vnser got alles gelazzen . vnd haben dir nach gevolget waz
 41b,12 geis tv vns dar vmb .” Iesus sprach zv in “werlich sag ich ev .
 41b,13 dar ir di mir gevolget habent an dem ivngstem tag So
 41b,14 des menschen svn sitzet vf dem stvl siner magenchraft . So
 41b,15 sitzet ir avf den zwelf stvelen . vrtailen di zwelf gesleht .
 41b,16 Israhel . od’ swer havs lat oder swest’ oder brvder od’ vat’
 41b,17 oder mvter oder chint oder wiep od’ achker dvrch minen namen
 41b,18 der nimet es hvndertvaltich wider vnd besitzet daz
 41b,19 ewig leben .” an dem ahten tag d’ zwelf lvten . S . Matheus .
 41b,20 IN illo tempore ascendere ivssit Iesus in navicula et cetera Iesus hiez
 41b,21 sin ivnger daz si gingen in ein schef vnd fvren von im vf
 41b,22 daz mer vntz er verliez di menig . Do er verlie di menig
 41b,23 Do gi er ein vf den berch betten . Do es abent wart do waz
 41b,24 er ein da . Daz schiffel wart getriben von dem winde in daz
 41b,25 mer enmitten . In waz der wint widerwerdich . an der vierden
 41b,26 weil der naht . do chom er zv in gent vf dem mer do
 41b,27 wurden si travrich vnd sprachen . “es ist ein trvgnvezze” vn-
 41b,28 schriren vor vorhten Da zehant redet er mit in . vnd sprach
 41b,29 “habet gyten gelavben ich pin z vnd fverht niht .” Do antwurt
 41b,30 im petrus “herre pist dv ez so heiz mich chommen zv dir vf de-
 41b,31 mer” Do sprach zv im Iesus “chvm her” vnd petrus lie sich von .
 41b,32 dem scheffe vnd gie vf dem mer zv Iesv . Do er do sach .
 41b,33 einen wirt do vorht er im vnd do er begynde sinche-
 41b,34 do rvft er vnd sprach . “herre hilf mir” vnd sa zehant pot
 41b,35 im Iesus di hant vnd begrail in vnd sprach zv im “wenig’
 41b,36 des gelavben war vmbe zweifelst dv .” vnd do er chom in
 41b,37 daz schef do gelach der wint . Di aber in dem scheffe waren .
 41b,38 di chommen vnd betten in an . vnd sprach “werlich es ist d’ gotes svn”
 41b,39 an sant marien magdalen abent . S . lvcas
 41b,40 Rogabat Iesvm quidam pharyseus . Iesum bat ein
- 42a,1 phariseus daz er enbisse mit im vnd gie in sin havs
 42a,2 vnd saz . vnd ein wiep waz in der stat ein svnderinne . Sa
 42a,3 alz si gehort daz Iesus gesezzen waz in dem havs pharisei

42a,4 do braht si ein edeliv salben vnd stvnt hinder im
 42a,5 pie sinen fvezzen vnd begvnde twahen sin fvezze twahen
 42a,6 mit ir zaebern vnd trvchent si mit ir har vnd chvste si
 42a,7 vnd salbet si mit der salben . Do daz der phariseus ersach
 42a,8 der in da geladen het Do sprach er wider sich selbe-
 42a,9 ob dirr were ein wissag so west er wol wie oder wer ditz
 42a,10 weip were di in da rvrte daz es ein svnderinne ist Des
 42a,11 antwurt im Iesus vnd sprach “Symon ich han dir etteuaz
 42a,12 ze sagen .” Do sprach er “Maister sag dar .” “zwen gelter ware-
 42a,13 einem wucherer schvldich . einer solt im fvenf hvndert phvnt
 42a,14 Der ander fvenzik phvnt . Do si niht heten do mit si im .
 42a,15 vergvltten . Do vergab es ir itwiderm . wer minnet in mer”
 42a,16 Do antwurt Symon vnd sprach . “Ich wene dem da mer vergeben
 42a,17 ist” Iesus sprach “dv hast reht ertailt .” vnd chert sich
 42a,18 wider zv dem weib vnd sprach zv symon . “Sihest dv ditz wiep .
 42a,19 Ich gie in din havs vnd twuege niht min fvezze . Si twuge
 42a,20 si aber mit ir zehern . vnd trvchent si mit ir har vnd erchant z
 42a,21 min niht . div zit vnd ich her in gie sie si mich niht . Min .
 42a,22 havbet salbest dv mir niht mit oele Diz salbet aber min .
 42a,23 fvezze mit edeler salben Dar vmb sag ich dir Ir werdent
 42a,24 vergeben vil svende .” an der sibten brvder tag . s . Matheus
 42a,25 Loquente Iesu ad turbas ecce mater . eius frater eius .
 42a,26 stabant foris . Iesus redet mit den scharen Do stvnt sin
 42a,27 mvter vnd sin brvder vnd wolden mit im reden . Do sprach
 42a,28 einer zv im . “Din mvter vnd din brvder stent do vor vnd
 42a,29 svchent dich .” er antwurt dem der im do sagt vnd sprach
 42a,30 “wer ist min mvter vnd welhiv sin min brvder” vn-
 42a,31 zaiget mit der hant an sin ivnger . “Sehet min mvt’
 42a,32 vnd min brvder . swer so tvt mines vater willen der ist min
 42a,33 brvder min swester vnd min mvter .” an sant laurentius . tag . S . Matheus
 42a,34 IN illo tempore Dixit Iesus discipulis suis .
 42a,35 amen amen dics vobis . Nisi granu- frumenti cadens in terram
 42a,36 et cetera Iesus sprach zv sinen ivngern “Ich sag ev werlichen es
 42a,37 en sterbe danne . Daz chorn des samen daz da vellet in di erden
 42a,38 es beleibet ein Stirbet es aber so bringet es vil wuchers .

42b,1 Der sin sel minne der hazze si in dirr werlt . vnd d’ si
 42b,2 hie hazzet der behaltet si in daz ewig leben . Swer mir
 42b,3 diene der volge mir vnd swa ich pin do ist avch min diener
 42b,4 Swer mir dienet den eret min vater der da ze himel ist .”
 42b,5 an vnser frawen tag . als si verschied . schreibet . S . Lucas .
 42b,6 IN illo tempore Introiuit Iesus in quesd’a castelli- . Iesus gie
 42b,7 in ein castelle vnd ein wiep enphinge in die hiez Martha in ir
 42b,8 havs div het ein swest’ di hiez Maria di saz avch pie
 42b,9 vnsers herren fvezzen . vnd hort siniv wort . Martha di fleiz
 42b,10 sich vmb den entzigen dienst . Div stvnt vnd sprach “herre dv
 42b,11 en rvchest daz min swester mich ein lat dienen . gebevt ir daz
 42b,12 si mir helfe .” Des antwurt ir der herre vnd sprach . “Martha .

42b,13 Martha dv sorgest vnd travrest vmb manigiv dinch . eines
 42b,14 ist doch dverftich . Maria hat daz peste tail erwelt daz avch ir niht
 42b,15 wirt benomme- .” an sant Iohannes tag alz er enthavpt wart schreibet s .
 Marcus .
 42b,16 MIsit herodes at tenuit Iohanne- . et cetera
 42b,17 et cetera herodes sant vnd vie Iohannem . vnd baut in in den
 42b,18 charcher dvrch herodyadem . daz wiep philippi sines brvder di
 42b,19 er genomen het . es sprach Iohannes zv herode “dir ist niht
 42b,20 erlavbet dines brvder wiep ze haben .” Daz wiep varte sin vnd
 42b,21 wolde in erslahen vnd en mohte . herodes vorht Iohannem .
 42b,22 wan er weste wol daz er ein rehter man waz . vnd ein hilig’
 42b,23 man vnd hvte sin vnd tet vil vnd hort in avch gern . Do er in
 42b,24 gehort vnd do der gevellich tach chom . herodes zv dem gebvrtlichem
 42b,25 tag machet ain . wirtschaft den fversten vnd den grave-
 42b,26 vnd den obersten in dem lande ze Galylee Do gie in d’ chveniginne
 42b,27 tohter herodiadis vnd sprach vor herode vnd vor den fversten .
 42b,28 daz geviel im wol vnd allen den di da waren mit im ze der
 42b,29 wirtscheft . Do sprach der chvenich zv der Maide “pite mich swaz dv
 42b,30 wilt . des gib ich dir” vnd swuor ir des swaz si in bete daz er
 42b,31 er ir daz gebe vnd avch sin reich halbes . Do si do her vz chom
 42b,32 Do sprach si zv ir mvter “wes sol ich piten” “dv solt piten des
 42b,33 havptes Iohannis des tavff’ .” Do si drat wider in . gie zv dem
 42b,34 chvenig . Sa zehant pat si in . vnd sprach “Ich wil daz dv mir
 42b,35 gebest daz havpt Iohannis des tavffer vnd vf einer schvezzil”
 42b,36 vnd der chvenich wart travrich . dvrch den aide . vnd dvrch di di
 42b,37 pi im sazen . vnd wolt si niht betrviben . vnd sant nach dem
 42b,38 slaher . vnd gebot im bringen . daz havbet Iohannis in einer [...] [...]

52a,1 Des fvenften svntages scribt . S Lvcas [...] [...] IN illo tempore .
 52a,2 Cum turbe irrueru-t . ad Iesum vnd audirent verbum dei .
 52a,3 et cetera Do di menig drvngen zv Iesv . daz si horten daz
 52a,4 gotes wort . Do stvnt er pi dem see ze Nazareth . vnd sprah
 52a,5 “zwei scheffel stent pi dem mer .” di vischer waren dar ab
 52a,6 gegangen . vnd wuschen di netz . do gie er in ein schef . daz
 52a,7 Symonis was vnd hiez in ez ein wenich fverwaz fvoren .
 52a,8 von dem gestade vnd saz vnd lert di menig an dem schef
 52a,9 Do er sich des gelavbte . Do sprach er “Symon . fver es an .
 52a,10 di tieffe . vnd werfet evr netz vnd vahet .” Do antwurt Symon
 52a,11 vnd sprach zv im . “Gepieter wir haben alle di naht .
 52a,12 gearbait vnd vingen niht . von dinem wort wirf ich min .
 52a,13 netz .” Do er daz getet do vingen si ein groz menig d’ visch
 52a,14 daz ir netz zebrast vnd winten den gesellen in dem and’n
 52a,15 scheffe daz si choemen vnd in hvelfen vnd chomen vnd fvlten .
 52a,16 baidev schef daz si svnchen . Do daz Symon petrus ersach Do
 52a,17 viel er im ze fvzzen vnd sprach . “herre ginch hin avz von mir
 52a,18 wan ich pin ein svender .” In het div vorht vmb gangen vnd
 52a,19 alle di di mit im waren . Do di visch wurden gevangen . also
 52a,20 geschach Iacobo vnd Iohanni . den chinden zebedei di geselle

- 52a,21 waren Symonis . Do sprach Iesus zv Symon . “fverht dir niht . Dv
 52a,22 hevt lanch wirst dv vahent di levte .” vnd fvrten di schef zv der
 52a,23 erde vnd liezzen ez alles vnd volgten im . Des sechsten svntages . screibet s
 . Matheus .
- 52a,24 IN illo tempore . Dixit Iesus discipulis
 52a,25 suis . amen dico vobis Nisi habundauerit iusticia vostra Iesus sprach
 52a,26 zv sinen ivngern . “werlich sag ich ev . ez en si evr gvtter grozz’
 52a,27 dann di schriber vnd der ivden bischolf . Ir en chomet niht in
 52a,28 daz gotesrich . habet ir vernomen daz den alten gebote- ist .
 52a,29 Ir slahet nimant Der aber da sleht der wirt schvldich des
 52a,30 gerihtes . Ich sag aber ev . Swer erzvernet sinen brvder . der
 52a,31 wirt schvldich des gerihtes . Swer aber spricht tor der wirt
 52a,32 schvldich des hellefiwers . vnd bringest dv din gab dem alter
 52a,33 vnd gedenchest daz dv wider din brvder iht habest getan . So
 52a,34 la din gab vor dem alter . vnd ginch e . vnd gehvldige dich mit
 52a,35 dinem brvder vnd chvm dann . vnd bringe din opfer .” Daz ewangelium
 der Mitwochen . S . Marcus .
- 52a,36 IN illo tempore . Cum egressus esset .
 52a,37 Iesus in via p turrens quidam . Do Iesus gie an dem weg .
 52a,38 Do lief einer fver vnd chniet fver in vnd bat in “gvt Maist’
 52a,39 waz sol ich tvn daz ich enphahe daz ewig leben .” Iesus sprach
 52a,40 zv im “war vmbe heizzest dv mich gvt . es ist nimant
 52a,41 gvt wan got alain . Dv waist div gebot hvr niht . erslahe
 52a,42 nimant . Stil niht . dehein gelogen vrchvende sprich niht
- 52b,1 beginch dehein vntriwe niht . ere dinen vater vnd din
 52b,2 mvter .” Der antwurt vnd sprach “Maist’ div han ich behalten
 52b,3 von miner ivgent .” Iesus sah in an vnd minnet in .
 52b,4 vnd sprach zv im “dir gebrist eines . Ginch vnd verchavf allez
 52b,5 daz dv hast . vnd gib . es den armen so gewinnest dv den schatz
 52b,6 ze himel vnd chvm vnd volge mir .” Des fritages . S . Marcus
- 52b,7 IN illo tempore exieru-t pharisei Die pharysey gingen
 52b,8 zv Iesv vnd versvchten in vnd wolten ein zaichen von .
 52b,9 im sehen . vnd sevft Iesus vnd sprach “waz zeichens wil .
 52b,10 ditz gesleht . Ich sag ev ob man git disem gesleht ein
 52b,11 zaichen .” vnd lie si vnd gi aber an daz schef vnd fvr
 52b,12 veber mer vnd vergazzen des brotes vnd heten niht wan
 52b,13 ein brot mit im an dem scheffe vnd gebot in vnd sprah
 52b,14 “hvetet evch vor der hephen der pharyseorum . vnd herodis” vnd
 52b,15 gedahten zv einander . vnd sprachen “wir haben niht brotes .”
 52b,16 Do daz Iesus ersach do sprach er zv in “waz gedenchet ir .
 52b,17 daz ir niht brotes habet . Gelavbet ir niht evr hertz sint
 52b,18 noch blint . vnd habet avgen vnd sehet niht vnd oren
 52b,19 vnd hoeret niht noch gedenchet . wenne ich fvenf brot brach
 52b,20 vender fvenf tavsent vnd wie manigen chorp trvgt ir danne
 52b,21 voller brosem .” Si sprachen “zwelf .” “vnd do ich di siben brot
 52b,22 tailt vender vier tavsent . wie manigen chorp trvgt ir dann .”
 52b,23 Si sprachen “siben .” Do sprach er zv in “war vmb verstet ir

- 52b,24 evch . danne niht .” vnd chomen ze Bethsayda vnd fvrten eine-
 52b,25 blinden vnd paten in daz er in bervrte . vnd begraif des .
 52b,26 blinden hant . vnd fvr in avz dem dorf . vnd spei im in di
 52b,27 avgen . vnd let sin hende dar veber vnd vraget in ob er iht
 52b,28 gesehe vnd sahe vf vnd sprach . “Ich sihe levt gen alz di bavm .”
 52b,29 Dar nach let er aber sin avgen . vnd begvnde sehen . vnd .
 52b,30 wart also gesvnt vnd sant in in sin havs vnd sprach “ginch haim .”
 52b,31 Des sibenden svntages . sanctus Marcus scribt IN illo tempore .
 52b,32 Cum multa turba . esset cum Iesu nec haberent q manducarent .
 52b,33 et cetera Do ein groz schar waz mit Iesu . vnd niht heten daz
 52b,34 si gezzen . Do lvd er sin ivnger zesamme vnd sprach . “Ich erbarme
 52b,35 mich veber di schar wan ich si drie tag han vf
 52b,36 gehabet . vnd han niht daz si gezzen . vnd lazze ich si vaste-t
 52b,37 haim so erligent si vf dem weg . Es sint svemlich v’re .
 52b,38 her chomen .” Do antwurten im di ivnger “wer moecht so vil
 52b,39 brotes gewinnen in der wueste . Do mit man dise alle gesattet .”
 52b,40 vnd vraget er si “wie manich brot habet ir .” Si sprache-
 52b,41 “Syben brot .” vnd er gebot der menig ze sitzen vf di erde .
 52b,42 Vnd nam di siblen brot vnd segent si vnd brach si vnd [...] [...]
- 54a,1 den verhangte ir z niht we ev laittr der blinden . Ir
 54a,2 sprechet swer pi dem goteshvs swere . daz ist ein niht
 54a,3 swer aber sweret pi dem gelte des goteshvs daz ist Ir
 54a,4 tvmben vnd ir blinden weders ist merer daz golt od’ daz
 54a,5 goteshvs daz da got gehiligt hat vnd swer sweret pie
 54a,6 dem alter daz si en niht Swer aber sweret pi dem opfer daz
 54a,7 dar vf ist . daz si . Ir . blinden weders ist merer daz opfer od’
 54a,8 der alter daz da gehiligt di gab . Swer sweret pi dem alter
 54a,9 der sweret pi allem dem daz dar vf ist vnd swer pi dem
 54a,10 goteshvs sweret . der sweret pi allem dem daz dar inne ist
 54a,11 vnd swer pi dem himel sweret der sweret pi dem gotes .
 54a,12 stvl vnd pi dem der dar vf sitzt . we ev schreiber vnd pharysei
 54a,13 Di zehent hanif vnd kychern . vnd wichken . vnd lar .
 54a,14 daz grozzer ist . Di gebot der e vnd daz ist reht . vnd die
 54a,15 barmhertze vnd den gelavben daz mvezet ir tvn . vnt ditz .
 54a,16 niht verlazzen . Des nevnden svntages . S . S . Lucas ewangelium
 54a,17 IN illo tempore Dixit Iesus discipulis suis . Similidudine hanc .
 54a,18 homo quidam erat diues . habebat villicu- . Iesus sprach zv
 54a,19 sinen ivngern ditz bispiel . Is waz ein richen man der het eine-
 54a,20 Mair vnd wart der vermaeret pi im . daz er verwuest het .
 54a,21 sin gvt vnd sant nach im vnd sprach zv im “waz ist . daz ich
 54a,22 hoer von dir . antwurt mir von minem gvt dv maht niht
 54a,23 mer min mair gesin .” Do sprach der Mair wider sich selbe- .
 54a,24 “waz tvn ich wan min herre nimet mir den Mairhof . Ich mag
 54a,25 niht revten . des almvsen scham ich mich . Ich weiz wol waz ich
 54a,26 tvn . So ich von dem Mairhof genomen wurde . daz si mich enphahen
 54a,27 in irev havser .” vnd lvde iglichen gelter sines h’re .
 54a,28 vnd sprach zv dem ersten “wie vil sold dv minem herren” er

- 54a,29 sprach "hvndert savm oeles ." Do sprach er zv im "Nv nime din
 54a,30 beraitschaft vnd schribe drat fvenfzik ." Do sprach er zv dem .
 54a,31 andern "wie vil sols dv aber" er sprach "hvndert mvtt waitz ." .
 54a,32 "Nim den brief vnd schreibe ahtzik ." vnd lobt der herre den mair
 54a,33 daz er flizzich het getan . wan div chint dirre werlt wirser sint
 54a,34 an ir gebvrt dann div chint des lihtes . vnd sag ich ev . "Machet
 54a,35 ev frevnde von dem schatz . der vebel tete . Swenu so ev gebrest daz
 54a,36 si evch enphahen in di ewigen hveser ." Daz ewangelium d' Mitwoche-
 Lvcas
- 54a,37 IN illo tempore Cum videritis circumdari Ierusalem . Iesus sprach
 54a,38 zv sinen ivngern . "so ir sehet Ierusalem besitzen . so wizzet daz .
 54a,39 ir stoervng nahent vnd di da in der ivden lant sint . di flihent
 54a,40 an di perg . vnd di da sint enmitten in ir di entwichtent vn-
 54a,41 di in dem lande sint di choment niht dar in wan ez sint .
 54a,42 di tag der rach Daz alles daz erfvellet werde . daz da geschriben
 54a,43 ist o we den di da tragent vnd savgent . in den tagen . es
 54a,44 wirt ein grozze not vf der erde vnd zorn den levten vnd
- 54b,1 werdent gefangen . vnd gefveret in alles lant vnt werdent
 54b,2 erslagent vnd Ierusalem wirt betwungen . von den
 54b,3 hayden . vnd daz di wissagen erfvellet werden . vnd
 54b,4 werdent zaichen an dem manen vnd an der svnne vnd .
 54b,5 an den stern . vnd vf der erde di stoervng . der levte von d'
 54b,6 diezzvng des meres vnd des wazzers . vnd dorrent die
 54b,7 levte vor vorhten . di choment veber alle di werlt ." Daz ewangelium des
 frietages . S . Lucas .
- 54b,8 IN illo tempore dixit Iesus
 54b,9 discipulis suis . ad tendite nobis . ne forte grauent- .
 54b,10 corda uostra . Iesus sprach zv sinen ivngern . "hvetet evch .
 54b,11 daz evr hertz besweret werden von der fraizhait vnd .
 54b,12 von der trvnchenhait vnd von den sorgen dirre werlt vn-
 54b,13 der tach gehes chom veber evch wachet alle zit vnd betet
 54b,14 daz ir wirdich wert ze phahen disiv elliv div chvonftich sint
 54b,15 vnd sten vor dem gotessvn ." Der zehend . Svntag . Lvcas .
 54b,16 IN illo tempore . Cum appropinquaret Iesus Ierusalem . Do
 54b,17 Iesus nahent ze Ierusalem vnd do ir di stat sach do wainet er
 54b,18 vnd sprach "hietest dv erchant . waz dir ze fride vnd ze .
 54b,19 genaden chomen solt . Nv sint si vor dinen avgen . es werde-t
 54b,20 di tag daz dich din veint vmbgebent mit einem graben .
 54b,21 vnd besitzent vnd beangestent dich allenthalben vnd zestoerent
 54b,22 dich vnd diniv chint div in dir sint . vnd lazzent in dir niht
 54b,23 vf ein stain vf dem andern . Dar vmb daz dv niht erchant
 54b,24 hast di zeit dines heiles ." vnd gie in den tempel . vnd traib
 54b,25 di dar vz . di da chavften vnd verchavften . vnd sprach zv
 54b,26 in . "es ist geschriben daz min havs ist ein pethavs . Ir habet
 54b,27 es aber gemacht ze einem hol der dieb ." vnd waz lerent
 54b,28 tegelich in dem goteshavs . D' Mitwochen . Scribt . Matheus .
 54b,29 IN illo tempore vespere autem facto . accesseru-t ad Jesum

- 54b,30 discipuli eius dicentes . Do ez abent wart do ginge-
 54b,31 di ivnger ze Iesu . vnd sprachen “es ist ein wueste stat vnd
 54b,32 ist div zit fver . La di menig daz si gen in di castelle vnd
 54b,33 chavffen ze essen .” Iesus der antwurt in . “Si en dverfen niht
 54b,34 gen . Gebet in ze essen .” Des antwurt si im “wir en habe-
 54b,35 hie niht danne fvenf brot vnd zwen fisch .” Do sprach er
 54b,36 zv in “Nv bringet si her zv mir .” vnd do er di menige
 54b,37 sahe sitzen vf daz hev do nam er div fvenf brot vnd die
 54b,38 zwen fische vnd sach vf ze himel vnd segent si vnd brach
 54b,39 si . vnd gab si sinen ivngern . Di ivnger trvgen si d’ menig
 54b,40 vnd azzen alle vnd wurden gesatt vnd trvgen von
 54b,41 danne der vebermazze zwelf choerbe voller brosem . Di da
 54b,42 azzen der waren fvenf tavsent man ane wiep vnd ane chint .
 54b,43 Des einleften svntags . S . Lucas . IN illo tempore .
 54b,44 Dixit Iesus discipulis suis ad quesdam q . inse ficebant . [...]
- 56a,1 Ich sag ev daz ez antlozlicher ist dem lande Sydomo an
 56a,2 dem ivngistem tag danne ev . Des vierzehenden . Svntag Schreibt Matheus
 56a,3 IN illo tempore Cum iret Iesus Ierosol-
 56a,4 et cetera Do Iesus gie ze Ierusalem . do fvr er enmitten dvrch .
 56a,5 Samariam vnd Galyleam vnd do er gi gen einem Castelle
 56a,6 Do chomen im zehen vzzetzig man di stvnden verre vn- rvften
 56a,7 vnd sprachen . “Iesus erbarm dich veber vns .” Do er si sach
 56a,8 do sprach er “Get zaiget evch den ewarten .” vnd do si gingen
 56a,9 do wurden si gerainiget . Do ir einer gerainigt waz . Do gie
 56a,10 er mit lautter stimme vnd viel fver sin fvezze vnd saget im
 56a,11 genade . vnd der selbe waz ein Samaritanus . Iesus antwurt im
 56a,12 vnd sprach “Nv sint doch zehen gerainigt vnd wa sint die .
 56a,13 nevn . Es ist ir deheiner mer chom-en der got lob sage wan
 56a,14 d’ eine .” vnd Iesus gebot im . “Stant vf vnd ginch hin din gelavb
 56a,15 hat dich gesvnt gemacht” Daz ewangelium des fritages . S . Lucas .
 56a,16 IN illo tempore Dixit Iesus discipulis suis p ambola- hanc ho- quam
 56a,17 nobilis abiit in regione longinqua . Iesus sprach zv sinen ivngern
 56a,18 ein edel mensch fvr in verres lant gewinnen im ein reiche .
 56a,19 vnd wolde wider chomen vnd lvde zv im zehen siner chnehte .
 56a,20 vnd den gab er zehen march vnd sprach zv in “chavffet vntz daz
 56a,21 ich chom .” Sin bvrger hazten in vnd santen botschaft .
 56a,22 nach im . vnd sprachen . “wir wellen niht daz er veb’ vns
 56a,23 reichse .” vnd do er wider chom vnd daz reich enphangen het .
 56a,24 do hiez er sin chneht fver sich chomen . den er sinen schatz
 56a,25 het geben daz er weste wie vil iglicher enphangen het . vnd
 56a,26 waz er do mit gewunnen het . Do chom der erste vnd sprach
 56a,27 herre din march hat zehen march gewonnen . er antwurt
 56a,28 im vnd sprach . “aya gvter chneht vnd getriwer wan dv veb’
 56a,29 daz wenig getriwe waer . So wirst du gewaltich veber zehen
 56a,30 stet” vnd chom der ander vnd sprach “h’re din march hat fvenf
 56a,31 march gewonnen .” er sprach avch zv dem . “wiz avch du gewaltik
 56a,32 veber fvenf stet .” Vnd der dritte sprach “herre din march han ich

56a,33 behalten in einem tvechlin . vnd vorhte dich wan dv ein vorhtsamer
56a,34 man pist . Dv nimest daz din niht ist vnd sneidest daz
56a,35 dv niht . en seest .” Do sprach er zv im . “von din selbes mvnt vrtail
56a,36 ich dich vebeler schalch Dv weist wol daz ich ein vorhtsamer
56a,37 man bin . vnd nim daz min niht ist vnd snide daz ich niht geseet
56a,38 han vnd war vmb geb dv niht min gvt ze dem tisch
56a,39 Vnd so ich wider choem . daz ich wider gevodert hiet den minen
56a,40 wucher” vnd sprach zv den di da stvnden . “Nemet von im
56a,41 di march . vnd gebet si dem der di zehen march hab .” vnd di
56a,42 sprachen zv im “herre er hat zehen march . Ich sag ev swer
56a,43 hat daz man dem git vnd von dem der da niht en hat .
56a,44 Vnd daz selbe daz er da hat daz nimet man im vnd geit
56a,45 ez dem der da hat . Min veint di mich da niht wolten richsen [...] [...]”